

OPĆINA CENTAR SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 26.03.2014. godine, verificovao je i donio

ODLUKU

O KOREKCIJI REGULACIONOG PLANA "RAĐAVA"

Član 1.

Utvrđuje se korekcija Regulacionog plana "Radava" ("Službene novine Kantona Sarajevo", broj 3/04), u daljem tekstu: korekcija Plana.

Član 2.

Korekcijom plana stvoren je planski preduvjet za legalizaciju postojećeg individualnog stambenog objekta, na vlasničkoj parceli označenoj, po novom premjeru, kao k.č broj 1847/12 KO Nahorevo, na način da je izmijenjen gabarit saobraćajnice, odnosno ukinuta planirana okretnica na predmetnoj parceli - prikazano na grafičkom prilogu br. 2.

Prema mišljenju Kantonalnog ministarstva saobraćaja, iznesenom u saglasnosti broj 04-27-27366/13 TB od 26.12.2013. godine pribavljenoj na predmetnu korekciju, preostali dio naprijed opisanog zemljišta koji je u naravi neizgrađen, a važećim planskim aktom bio predviđen za realizaciju okretnice, treba ostati neizgrađen.

Član 3.

Korekcija Plana sastoji se iz tekstualnog dijela i grafičkih priloga: Izvod iz Regulacionog plana "Radava" na kojem je naznačen mikrolokalitet koji je predmet korekcije, Izvod iz Regulacionog plana "Radava" na kojem je izvršena korekcija, odnosno ukinuta okretnica na predmetnoj parceli i Analitička obrada parcele.

Tekstualni dio i grafički prilozi korekcije Plana su sastavni dio Regulacionog plana "Radava" ("Službene novine Kantona Sarajevo", broj 3/04).

Član 4.

Korekcija Plana je rađena za faze urbanizma i saobraćaja, te separat "Analitička obrada građevinskih parcela", a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Radava", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i u Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-1341/13
26. marta 2014. godine

Općinski načelnik
Dževad Bećirević, s. r.

Objavljeno na oglasnoj ploči dana 26.03.2014. godine

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 25. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04), načelnik Općine Centar Sarajevo je, dana 20.03.2014. godine, verificovao i donio

ODLUKU

O KOREKCIJI REGULACIONOG PLANA
"BJELAVE-ČEKALUŠA"

(Objekat uprave Bosansko-hrvatske Provincije Prečistog srca Marijina), u ulici Bjelave

Član 1.

Usvaja se Korekcija Regulacionog plana "Bjelave-Čekaluša" (u daljem tekstu: korekcija Plana) "Službene novine Kantona Sarajevo", broj 07/12.

Član 2.

Korekcijom plana stvaraju se uvjeti za dogradnju i nadogradnju postojećeg stambenog objekta, izgrađenog na zemljištu označenom kao k.č. 310 i 311 K.O. Sarajevo IV i promjenu namjene u vjerski objekat. Objekat će imati spratnu visinu od P+2 do P+3, sa povlačenjem građevinske linije trećeg sprata na istočnoj i južnoj strani.

Objekat izgrađen na zemljištu označenom kao k.č. 308/1 i 308/2 K.O. Sarajevo IV se ruši i formira parking prostor sa nadstrešnicom.

Spratnost objekta na parceli označenoj kao k.č. 309 K.O. Sarajevo IV je P+2. Lociranje i dimenzioniranje objekta prikazano je na grafičkom prilogu korekcije Plana.

Član 3.

Korekcija plana se sastoji iz tekstualnog dijela i grafičkih priloga:

1. Izvod iz Regulacionog plana "Bjelave-Čekaluša" - Urbanističko rješenje, R-1:1000
2. Korekcija Regulacionog plana "Bjelave-Čekaluša" - Urbanističko rješenje, R-1:1000
3. Korekcija Regulacionog plana "Bjelave-Čekaluša" - Analitička obrada građevinskih i regulacionih linija parcela, R-1:1000

Tekstualni dio i grafički prilozi korekcije Plana, sastavni su dio Regulacionog plana "Bjelave-Čekaluša" (Službene novine Kantona Sarajevo", broj 07/12).

Član 4.

Korekcija Plana je rađena za fazu urbanizma i separat "Analitička obrada građevinskih parcela", a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradskoj upravi Grada Sarajeva.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Načelnik
Općine Centar

Dževad Bećirević, s. r.

Broj 07-23-5279/13
20. marta 2014. godine

Objavljeno na oglasnoj ploči Općine Centar dana 21.03.2014. godine

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", br. 7/05) i člana 25. Statuta Općine Centar - Prečišćeni tekst ("Službene novine Kantona Sarajevo", br. 23/04), načelnik Općine Centar, dana 18.03.2014. godine, verificovao je i donio